



Inatsisartuni ilaasortaq
Malik Berthelsen, Siumut
-/Maani

Pineqartoq: § 36, imm. 1 naapertorlugu apeqqummut nr. 2010-215-imut akissut

Asasara Malik Berthelsen

19. oktober 2010
Suliaq nr. 2010-039893

Aallarniutigalugu apeqqutit saqqummiunneqartut pillugit qujavunga, taakkulu imatut ni-
peqarput:

Postboks 909
3900 Nuuk

Tlf. (+299) 34 50 00

Fax (+299) 34 54 10

E-mail: iaan@nanoq.gl

www.nanoq.gl

1. Sanaartugassanut aningaasaliissutiginiarneqartut 58.9 mio.kr. Sisimiuni inissa- nut 36-inut ilumut tamarmik atorniarneqarpat?

Akissut: Naamik. Suliassami nr. 996.34.517 aningaasaliissutit illoqarfinni Qaqortumi,
Sisimiuni Ilulissanilu illoqarfinni illunik sananissamut atorneqassapput.

2. Sisimiuni inissianut 36-inut Qeqqata kommunia aningaasaleeqataanissamut isumaqatigiissuteqarfigineqarsimava?

Akissut: Naamik. Aningaasaliissutit inaarutaasumik agguarneqarnissaat pillugu Qeqqata
Kommunianut pisussaaffiliisumik isumaqatigiissusiortoqanngilaq.

3. Maniitsumi inissiat utoqqarnut naleqqussakkat sananiarneqartut aningaasanut Inatsisissatut siunnersuummi kontomi sorlermi takuneqarsinnaava?

Akissut: Aningaasaliissutissat kontomi pingaarnermi 87.72.12 Taartissanik sanaartor-
neq, ilanngunneqarnissaa siunnersuutigineqarpoq. Sanaartugassat inissiaassapput u-
toqqarnut naleqqussakkat 16-it, taakkulu inissianut eqimattanut marlunnut, tamarmik
immikkut arfinilinnik inissialinnut, aammalu inissianut uiguleriinnut sisamanik inissiar-
talinnut agguataarneqassapput. Sanaartukkat quleriussanngillat. Inissiat tamarmik mar-
lunnik initaqassapput uffarfeqassallutillu, inissiallu ataatsip angissusissaa tamarmiusoq
56 m²-t missaanniissaaq.

Inissiat utoqqarnut naleqqussakkat utoqqaat illuata nutaap akinnguanni sananeqarnis-
saat naatsorsuutigineqarpoq, taamaalilluni najugaqartut utoqqaat illuanni ulluunerani
sammisassaqtitsivinnik ajornanngitsumik atuisinnaassallutik. Tamatuma saniatigut
sanaartugassanut qanittumi pisiniarfeqarpoq.

Inissiani utoqqarnut naleqqussakkani attartortunngortussat attartulerpata inissiat nali-
nginnaasut 16-it atorneerutissapput, taakkulu maannakkut Salliarnartami attartortuusu-
nut inissiatut taartissatut innersuunneqarnissaat naatsorsuutigineqarpoq.

Neriuppunga tamatumuunakkut suliaq paasiumarnerulersissimassallugu, aammalu paasissutisseeqqinnissamut piareersimavunga.

Inussiarnersumik inuulluaqqusillunga

Jens B. Frederiksen